

應見有來有去者此人迷惑不解我說當知  
天尊平等無二故名天尊若有人於法界以  
爲微塵比塵之數以爲多不諸億等甚多  
天尊曰如我說法百億日月百億星宿數未  
及其一何以故我說法界非法界而爲法界  
我說衆生非衆生而爲衆生我說得道非得  
道而爲得道衆生貪著事事取捨生死變易  
迷惑神魂失平等性若有男女等捨身盡諸  
世界所有珍寶布施此之功德以爲多不諸  
億等甚多若有人受持此經爲人演說不著  
諸相不著諸相不證我人不一諸理此之功  
德不可稱量勝彼百千萬億此之功德百千  
萬億分亦不及其一當知此經功德甚重不  
可稱量爾時四座於靈解山及諸天尊衆悉  
皆悟解念然稱善稽首讚歎天尊廣演大乘  
濟無邊衆各自願報我國王思天尊力由  
我國王覆育我等致得尋真求學聖道我等  
隨緣得悟難可思議善男女等人身難得努  
力勤行勿生懈怠一失善道萬劫無期  
天尊曰善哉善哉諸徒衆等並有宿緣根機

易解聞此大乘信此勤行玄心遠念離空有  
相證法無生汝等四衆各率衆緣隨機化導  
勿滯一方悟諸緣理我願真藏大乘經典付  
屬國王并大弟子留傳宣布濟沉溺苦大乘  
甘露其味希有得比味者無生無滅無去無  
來湛然常住究竟道場若有毀謗不信此經  
此人見世惡業所種死入鄴都中府風刀之  
考鬼神譴役一十四曹曹一考官百二十考  
吏一千二百考兵一萬二千考主三河九江  
四瀆溟波死魂作役如是考對痛毒難勝天  
尊於是重說苦魂而作頌曰  
爲人不信法 毀謗於賢良 受死鄴都報  
劍樹碎形傷 萬劫劫無期 魂神痛斷腸  
叫聲聲不絕 獄卒淬鏹湯 受報無休息  
嗔眼四邊張 誰能受此苦 迷惑亂猖狂  
寄語修行子 修福永無殃  
天尊說此頌已告諸四衆善男子等各各勤  
行禁諸四患行平等心學大乘道三使永畢  
六通智慧得無畏心善明童子及諸四衆歡  
喜無量頂戴不勝慧心定志受教奉行從身

至身從劫至劫普無退轉稽首作禮各還本  
國

无上内秘真藏經卷之三

无上內秘真藏經卷之四

洪十一

辯相明部表品

是時元始天尊恬然安靜在靈解山迺施功德示衆經相顯真道源一切諸法性相空寂無生無滅何以故法本微妙功德深遠衆生迷感信法不淳自生謗毀失三寶源何以故煩悩障深慧源不曉輪轉三塗永無解脫爾時善明童子聞是語已上白天尊今日侍座歡樂難勝敢問天尊衆經名相其數幾何爲有部表爲法界總名愚情不了唯願天尊分別爲說

天尊曰善哉善哉子之所問正得機宜一切諸法並是經目無內無外非長非短微妙清淨常住不壞何以故法性空故愚人淺識不悟大道失真常性迷惑正經示爲部表一者上清二者妙真三者太一四者妙林五者開化六者像人七者黃林八者上真九者道教十者上鍊十一者上妙功德十二者道德此十二部經蘊在大洞玉清境藏中無毀無壞無生無滅湛然常住迺衆妙門一者洞玄二

者元陽三者原辰四者大劫五者上聞六者內音七者鍊生八者靈秘九者消魔十者無暑十一者樂摩十二者上通此十二部經在大洞上清境藏中微妙清淨爲諸天根本萬有之基一者太清二者微視三者集德四者洞淵五者內秘六者真一七者集靈八者中精九者無量十者集官十一者黃庭十二者小劫此十二部配屬大洞泰清境藏中濟生度死爲萬法舟航此三清與內真藏之中示有名跡顯衆妙經包羅無外妙入細微若有入能受持書寫講說讀誦此人功德不可思議非譬論格量得其邊際何以故金口所說無虛假故一切諸像聖道未有不由此經而成道者何以故此經微妙具衆經目諸天童子大力鬼神金剛師子共相衛護不得輕泄若有誹謗不信此人即得重病前業受報今暫爲人致生誹謗不信大乘後死當入黃泉長處閻獄無有解脫善明童子汝等徒衆深思此經勿生不信隨邪見道何以故無信故信不深故無慧故慧不深故無解故解不深

故無思故思不深故無定故定不深故無通故通不深故無絕故絕不深故無便故便不深故無證故證不深故無妙故妙不深故無道故道不深故汝等徒衆歷劫艱辛學小乘行終無得道何以故諸法解脫有繫相違動則乖所失正道源善明童子伏受教言未曾所說今日所說未曾所聞今日所聞未曾所見今日所見四座歡喜衆兆咸寧多所不解敢問天尊諸經部表統攝諸法爲止其數爲無數耶若亡數者不攝諸法若無數者則無部表云何數有三十復有六名既有數者數則有窮何能微妙濟窮苦凡衆所未了唯願天尊隨緣顯示天尊含笑遍體光明照諸國土無極世界並皆應見不動本國到靈解山聽天尊說

天尊曰汝所問法未解經旨吾爲汝說一切諸法皆是經目衆生愚闇不曉本源失真常道分別爲說假示衆經顯諸部表隨緣爲釋或說大乘或說中乘或說小乘或於大乘而得悟解或於中乘而得悟解或於小乘而得

悟解悟解之理絕三乘跡當知諸經盡妙非  
數非非數非大非非中非非中非小非  
非小雖止部麥妙入細微濟沉溺苦等顯其  
數示者指歸若能悟解本微化見究竟圓滿  
了達諸法無取無捨無貪無愛無厭無怨無  
瞋無喜無殺無盜等一相平等平等之理隨分  
功德各具足慧解無窮衆生不昧自相違  
犯譬如油能燃燈燈明自煎油盡燈滅衆生  
迷惑亦復如是自造自報如影隨形直影  
端形斜影曲諸法業報果皆從因一切衆生  
無有行者云何見道譬如種種種穀穀則  
生不種穀者無穀無芽云何得穀衆生因果  
亦復如是不種善因亦無善果無善果故則  
惡因生生長惡果惡果生長業業相因因果  
不絕彌論三界墮諸惡道後生人中永無人  
禮云何信道云何行道云何悟道何以故無  
善因故無智慧故善明童子及諸四衆諦聽  
善思無狐疑想此經深妙最尊最貴諸天神  
聖無不敬重故等徒衆宿緣有幸得預知聞  
入功德所無以爲論善明童子伏受教旨諸

疑不了敢問此經等一切諸法無有分別既  
無分別云何說此經最尊最貴若獨尊貴即  
不等法既不等法則有差別有差別故則有  
優劣有優劣故則有貪欲有貪欲故則有生  
死有生有死故則有愛念有愛念故則隨邪見

云何得道

天尊曰經等諸法諸法等經道等諸經諸經  
等道道等生死生死等道道等貪欲貪欲等  
道道等恩愛恩愛等道道等去來去來等道  
道等富貴富貴等道道等貧賤貧賤等道道  
等愚智愚智等道道等畜生畜生等道道等  
禽蟲禽蟲等道如是等故等無所等云何諸  
法而有差別善明童子上白天尊云道等無  
所等不審一無所等非一等不答曰非一無  
等又問非一無等云何名道答曰非道爲道  
又問非道爲道是真道耶答曰非真道也又  
問云何非真道曰諸法無二非真非俗非大  
非小非長非短衆生愚闇障蔽日月常財不  
起如盲者不視如聾者不聞如此經者億千  
萬劫不可得聞况能了解吾昔於靈解山宣

揚此經時此座主名曰達慧廣延徒衆四方  
雲集到靈解山次等而坐供給衣食並皆充  
足功德遍施無飢無渴爾時十方大地悉皆  
震動師子猛獸並共護持有一賢者名曰法  
才心樂道德父爲國王禁制不得自在法涕  
交流我生何罪心志不遂唯願天尊聖道憐  
愍愚心今身不果願我後生遇見天尊教我  
出家學大乘道發願已後常行慈心晝夜念  
道今得遇我願揚大乘習無漏法善明童子  
及諸大衆當知今者真藏童子即是昔日法  
才也是也法才心願久遠始得見聞當知此經  
尊貴理趣深遠難可卒聞况今淺識能得信  
解爾時真藏童子於座而起稽首上白  
天尊小子有幸得悟大乘昔日雖在聲俗心  
願不輕當時不遂道降無差今遇天尊顯大  
乘道施無上藥悟解諸法了達宿因誣無生  
法深思慶幸難可論知不審天尊此經方便  
後學其法云何爲簡而授爲普度之  
天尊曰善哉善哉汝慈悲行自度度他接續  
方來爲法掉磔如是功德廣博難稱此經大

乘無大不包無細不入濟沉溺苦救養生  
 何有簡法真藏童子稍復問不審一切衆  
 生信心不等各由宿因修善行業積功累功  
 而成道果若不修善而得道者則無因有果  
 無果有因果業顯到故修善者應隨地懃作  
 惡者應得生天又云普度衆生濟沉溺苦如  
 是之理衆生不修經自度之得成道果  
 天專曰大乘平等普濟蒼生盡虛空際譬如  
 日月乘天普照而盲者不覩非日月不照又  
 如大地能生隨緣而種皆得果實而愚者不  
 種非地不生又如慈母愛子子而不孝非母  
 不念當知此經亦復如是皆須供養決其眼  
 目眼目明淨得見本源遊塵永滅如是因淨  
 果淨因即是果果即是因因果一相平等無  
 二無二者非因非果而為道果非高非下而  
 為高下非長非短而為長短非見非聞而為  
 見聞非香非味而為香味非智非德而為智  
 德非經非道而為經道非心非想而為心想  
 如是達觀證法生靈善解護持功德具足汝  
 等徒衆勤心學行修無上道勿信邪言受無

漏業疾病將至憂惱萬端於爾之間索然命  
 盡永不自覺終身迷感輪轉三塗長離善道  
 爾時真藏童子及諸四衆聞是語已歡喜讚  
 言  
 天專在靈解 說法教天人 顯揚諸經相  
 四衆並來尋 功德無不香 非長非短因  
 三清斷四惑 道德隨日新 經數滿法界  
 部表示關津 我等諸徒衆 與道為善隣  
 斷諸漏未盡 惡業不能侵 積善無畏力  
 自然功德林 天專巧能說 施藥通流布  
 愚者不能飲 智者養甘露 聾盲自不見  
 巧說終無悟 大乘難思議 寂然無不度  
 爾時真藏童子及諸四衆說此讚已功德廣  
 遠非可數說我等徒衆共讚法王顯天專德  
 終劫說之亦不能及故問天專經實次第功  
 德階級何者為先早證果者何法最易唯願  
 天專慈悲為說衆中優劣有難悟易悟數請  
 繁重觸實專頌  
 天專曰往古無量劫時有一優人名曰優靈  
 不信大乘常習小道長齋苦行隱在山林服

餌餐松學他德道累劫辛苦道不可階終無  
 解脫雖得延年益壽不必三使沉淪在苦真  
 藏大乘經典包羅無外細入毫端行內行者  
 悟解須臾諸經部表示相凡惡功德因緣隨  
 方引誘冥心內照真趣道場絕諸漏相無先  
 無後無內無外無階無級功德浩蕩重於法  
 界法界殊方無內無外無視無聽無思無想  
 隨分功德功德具足無出無入無去無來汝  
 等四衆勿疑功德經實無實無差教透淺深  
 布張得所以故法性真故不受塵故若無  
 慧解法性不通六情受染則生六塵不滅心  
 識不住念念相推習業既多輪迴五道煩惱  
 憂懼疾病遍身父子恩情索然命盡魂神流  
 漂墮三惡道如是苦痛不可思議善男女等  
 勤行精進勿生懈怠各發善心修无上道功  
 德莊嚴則六情不染六情不染則六塵淨六  
 塵淨故則六識通六識通故智慧具足則成  
 道果成道果已得無畏心究竟平等了達諸  
 法縱容自在無餘憂無餘喜無餘樂無餘苦  
 無餘貪無餘愛無餘惱無餘瞋無餘思無餘

10 / A B 20 4

想無餘視無餘聽無餘觸無餘博無餘取無餘捨無餘增無餘念得法自在名功德林是為真道善男子等汝等四眾發大乘心悟諸餘理常行四念度諸眾生濟窮苦厄福德無量不可稱說爾時真藏童子及諸四眾聞如是說歎未曾有歡喜作禮而作頌曰

法王慧澤無邊底 說法無量度眾生  
跋躄聾盲皆自得 五欲四倒坦然平  
我等徒眾欣歡悅 悟入大乘無有盈  
生死變化無轉動 浸滿稽天而不驚

法王法力猶方寸 大智大行等生露  
天尊廣遠慈悲力 遍灑微塵成甘露  
眾生受潤猶不知 迷途造惡終不悟  
我等善行方便慧 各各勸誘流傳布  
慧日慧音音不絕 愚者漸染諸根柢

是日真藏童子及諸四眾讚誦天尊顯功德力遍法元間非可譬論得其根際如是功德不可思議  
天尊曰一切諸法皆是三世法身身有三世慧眼若無慧眼云何識別既無識別我我本

身迷惑諸法即是顛倒顛倒既見則成煩惱煩惱習業苦痛切身生死輪迴終無解脫諸善男子溥謹行業勿令二心毀謗賢良反善作惡兩舌傷人如是罪報苦毒難勝真藏童子及諸四眾聞此妙音歡喜無量敢問天尊

三世慧眼為一開三為三合一若一為三為三無一若三為一為一無三云何一有三慧若一而有三者亦應一眼而有三身如是疑惑唯願天尊善別為說

天尊曰善哉善哉如汝所疑問難諸法無量功德無量或一為三一三無體或三為三一無名或一眼成無量形或一形成無量眼如是方便功德不可思議所云一為三者並是為緣顯無明障緣障滅三一非真何以故要由此經此經能開慧眼有利益故一切僊聖皆由此經而成道果諸善男女吾念羣生如母愛子化導誘引懇志殷勤說此經分明委悉真實要義顯然易解若復有人得聞此經信心恭敬諸僊童子大力善神自然衛護當此之時國王帝主受持此經一國男

女無有夫傷國富人豐兵災不起風雨及時萬人安樂當知此經有大神力功德廣遠非可譬喻

天尊於是而說頌曰

大乘平等教 普化諸眾生 非外亦非內

功德坦然平 惡人不信法 智者見公驚

悟解真藏理 法界自然成 我非形色象

法性盡無名 汝等虛嗟詠 心識不能明

天尊說此頌已告諸四眾大力神王金剛師子善念護持修行正法爾時真藏童子及諸

四眾聞此妙音神開意解歡喜受持各守一元修無上道

天尊曰成道果已寂然無我究竟清淨清淨微妙能生諸法諸法各得自生自生各得無滅無生無生無滅自在法王功德具足一切

眾生愚闇不通閉塞六情諸根受染著迷感迷惑相傳遂不覺悟輪迴五道不信大乘

何以故一切眾生受有為樂云何能捨假使捨有即取空法取空為空空不離有有不離

空空有二名繫業縛身云何得出超入道源

真藏童子故問天尊空有二名是道體不是  
真空不是妙理不是清淨不是究竟不是寂  
滅不若通是者云何有縛

天尊曰善哉善哉如汝所問甚得機緣空有  
二名雖是道果究竟真空衆生不曉染有受  
著即非道果何以故一切衆生究竟清淨非  
空非有非長非短若受相者則壞正真即非  
本所即非道果何以故衆生非空非有云何  
有知空有云何有知道性云何有知正法云  
何有知究竟真藏童子及諸四衆聞比妙法  
各自思惟稽首而退

无上内秘真藏經卷之四

无上内秘真藏經卷之五

洪十二

普明品

爾時

元始天尊遊居西那大福堂園形無定相或  
隱或顯或麤或妙在靈解山從容自在其山  
高廣逾覆法界林藪雲龍虎狼獅子毒蟲惡  
獸傷害羣生噉食物命其山之內復有隱居  
賢士精思修道學大乘行決定無疑護守心  
城摧滅魔賊復有三萬六千衆生習其緣業  
各有所趣種種不同

元始天尊處於大衆忽然變體入寶珠中寂  
然不動四衆驚駭莫知所在七日七夜光景  
不見猛獸毒蟲轉加興威一國男女號天叩  
地無所歸依爾時真藏童子於大衆中怡然  
靜慮稽顙伏地奉請天尊願救蒼生慈恩重  
見懇陳未訖忽見山上光明遍照十方無極  
世界地獄幽徒悉皆解脫爾時天尊坐本微  
華端然不動怡神含笑威德光明猛獸毒蟲  
悉皆摧滅於是  
天尊告真藏童子汝當為諸大衆宣揚真藏

甚深無上妙法令諸衆生覺煩惱性達空有  
心滌蕩五情生死一相有無平等真藏童子  
承天尊力再昇虛變見自在於大衆中顯  
智慧先說無生理慧光普照無大不通無細  
不入進彼百千日月光景隨諸衆生所求皆  
得無極世界有緣無緣悉皆備足信心重者  
皆來聽受四衆雲集天尊變大光明清涼奇  
雅顯衆生性寂靜無爲無生無滅無去無來  
預有緣者皆了正法寂然悟道緣慮永斷分  
別不生何以故道無二故生死無二去來無  
二愚智無二高下無二取捨無二衆生迷感  
假說因緣接引示迷扶欄徒步衆生根性種  
種不同略說異途開爲三品上根衆生了達  
身相不入道德不出生死無道德際無生死  
際無人我際無塵垢際無行業際中品衆生  
捨離生死貪求道德有出有入有道德際有  
生死際有人我際有塵垢際有行業際下品  
衆生無明障重不覺不知沉溺苦海冥冥長  
夜無有出期四部大衆及諸男女汝等諦聽  
善思如是慧光從何而來出入推求非內非

(C. 1) A. H. 200-10